

陕西省图书馆藏书

书号 D631.784

登记号 12325

鄆縣志

禮



鄠縣志卷之七

人物

自漢以來雍地首稱鄠杜而鄠實先杜云杜
陵人物在漢唐史不絕書而鄠獨寥寥何故
豈扶輿所鍾咫尺便殊乎非也杜宣帝陵徙
關中名族居之小陵亦然小陵卽少陵也唐
謠西陵韋杜去天尺五子美詩云名家莫出
杜陵人則知杜陵者非人物之畢黍梁父實

聚材藪也故衣冠附籍數十世猶然不替安

知鄠之名家不聚於杜而鄠豈獨受乏才之

嘆也在後世則鄠與杜埒耳由此觀之何必

罪地脉哉 劉璞

鄉賢

載祀典者先書楊奐雖入祀宜載僑寓中故不錄

唐殷開山

各嶠以字行世居江南祖不害仕陳為司農卿亾徙京兆為鄠人開山涉

書工為尺牘為情大谷長高祖兵起

名補大將軍揀從攻西河為渭北道

元帥長史與劉弘基屯故城破衛文

昇之兵賜爵陳郡公遷丞相

第 楊

礪

更部侍郎從秦王討薛舉戰折塘爲
舉所乘遂大敗下吏當死詔貸之除
名爲民頃之從平仁果復爵位兼陝
東道行臺兵部尚書遷吏部從討王
世允以功進爵鄭國公征劉黑闥道
病卒王哭之慟詔贈陝東道大行臺
右僕射謚曰節貞觀十四年配饗高
祖廟庭永徽中加贈司空云

字汝礪家世鄠人曾祖守信唐山南
西道節度同平章事祖知禮後唐均
州刺史父仁儼入蜀仕王氏爲丹稜
令累遷永和令礪建隆中舉進士第
一父喪絕水漿數日解褐鳳州團練
推官歲餘以母疾棄官開寶九年詣
闕獻書召試學士院授隴州防禦推
官入遷光祿寺丞久之轉秘書丞改

屯田員外郎知鄂州以善政聞遷水
部郎中儲宮建兼右諭德轉度支郎
中真宗卽位拜給事中判吏部銓未
幾召入翰林為學士咸平初知貢舉
俄并工部侍郎樞密副使二年卒年
六十九真宗軫悼謂宰相曰礪介直
清苦方當任用遽此淪謝卽冒雨臨
其喪礪隸舍委巷中乘輿不能進步
至其第嗟憫久之贈兵部尚書云礪
為文尚繁每詩一題或數十篇有文
集二十

卷子四

元賀仁傑

賁子從世祖征雲南北征乃顏皆著
勞績世祖一日召仁傑至榻前出白

金謂之曰此汝父六盤所獻者可持

歸養母乃歸白母盡歡之宗族置酒

欲遷童女克後宮及有司買物多非其土產山後鹽禁久爲民害皆奏罷之民爲之立祠未幾特授正議大夫上都畱守兼虎賁親軍都指揮使尋加榮祿大夫中書右丞畱守如故妻卒世祖欲爲娶貴族固辭乃娶民間女已而喪明夫婦相敬如初未嘗置媵妾年七十二請老拜光祿大夫平章政事商議陝西行中書省事賜錦袍王帶卒贈恭勤竭力功臣儀同二司太保上柱國追封雍國公諡忠貞後加贈爲王子勝

明張

賢

鄂縣人永樂中舉人授吏部司務遷驗封郎中山西右布政使性鯁直居官應物一以誠篤爲本清苦人莫能及一統志稱其廉幹老成其子徒步

入京省視

尤為奇云

王冲

字文會安泰里人為諸生時祖母賀氏病嘗為之割股授唐縣主簿督馬政政既克舉而民亦無所損漢陂王先生嘗過唐尚能憶唐人之稱說也後致仕以

老壽終

王九思

字敬夫儒家子舉以治內辰進士選翰林院庶吉士陞檢討以進講忤劉

瑾遷吏部文選司主事陞考功員外郎文選郎中文選之權久為臺寺侵

奪閣老李西涯蔭子赴試公以眾人

遇之不置首選仕路為之一清京師

有向為真翰林今為真吏部之名然

竟以此得辨會瑾敗李諷言官以鄉

竟以此得辨會瑾敗李諷言官以鄉

里效公遷壽州同知既抵任理訟備

盜俱有實聲嘗監收武平衛克軍糧

省耗大半毫民賴以復甦壽近淝湖

夏霖二水泛溢幾漫其城公文告沉

牲雨遂止水落者三尺未幾致仕歸

夫公以文章大家厭服海內然雖不

獲展布而施為亦畧見矣既歸里舍

得終養二親處兄弟極其友愛又率

鄉人行家禮修澇河石橋施醫藥育

後學素抱一絕口不譚功利事

不出惡聲想聞其風采卒壽

八十五集續集碧山樂

府遊香院本鄂將志

王氏志銘大君子讚等

書行中默康德滿邊
太常諸公齊名海內稱馮十子云云

萬曆初年詔建名臣坊於陝西都會
公與焉今人辨賢愚

名賢

元魏周澹

齊人也多方術善醫藥遂為太醫令
明元嘗苦寒頭取瘧瘵得愈由此位

特進賜爵侯德侯神瑞二年京師饑
朝議遷都於鄴澹與博士祭酒崔浩

進計言不可對元曰唯此二人與朕
同謀焉浩等各一人卒謚曰恭

楊矯子嗣都郎中

宋楊矯

楊矯子太常博士

楊暉

楊暉子太常中舍

楊

嶠

楊嶠子至道初拜校真宗儲邸書

兀賀

貴

其先河東隰州人父種德徙關中遂

為鄂人有符略善攻戰數從軍有功

關中兵後積屍滿野賈買地為大塚

收瘞之嘗治室於毀垣中得白金七

千五百兩是時世祖以皇太弟駐軍

六盤山乃持五千兩往獻之後世祖

即位賜金符總管京兆諸軍與營卒
贈銀青榮祿大夫大司徒追封雍
公諡貞獻

賀

勝

字貞卿小字伯顏以小字行嘗從許

衡學通經傳大義年十六入衛軍
重寡言世祖甚器重之至二十
年乃顏叛世祖親征勝直武帳中詰

日合戰還侍帝側矣交帳前勝立侍
 不為動後拜集賢學士領太史院事
 賜一品服柔哥啟帝相完澤而以爵
 參知政事未幾僉樞密院事遷大都
 護父仁傑請老以勝代為上御醫守
 兼本路都總管開平府尹虎賁親軍
 都指揮使既至通商賈仰豪縱出納
 有法僕隸不匱民賴以安進光祿大
 夫左丞相行上都留守兼本路總管
 府遣使花赤尋又加開府儀同三司
 上柱國歲大饑發倉廩賑民民歸之
 為立祠上都西門外未幾以足疾請
 老不許賜小車出入禁闕後為承恩
 鐵木迭兒誣以乘賜車迎詔不敬殺
 之百姓持紙錢哭甚哀泰定初詔雪
 其死贈推忠宣力保德功臣太傅開

府儀同三司上柱國追封秦國公諡
惠愍至正三年追封涇陽王改諡忠

宣子

二人

賀惟一

開府儀同三司中書左丞相監修國

賀惟均

太子詹事

張雲翼

花原里人舉鄉試除知鄆縣遷同州
同知多善政知地里

明李

翼

漢陂人爲縣學增廣生宣德間詔取
各學生姿貌魁偉明習政務可堪任
用者有司以公應比謁吏部授四川
布政司理問不數載遷南京工部營
繕司員外郎

王琰

字延王安太里人材貌端正雅性剛直授大寧令大寧民散處山中愚惡負固急則益避匿死弗肯出琰與約自至為平其獄訟賦役俾各得所民歡然從再補長清令吏無文為百姓患琰黜老吏三四人其患頓除一日典史有失箠楚於庭及愛子有失亦箠楚於庭不貸於是人人股栗相戒奉法無敢犯者乃獨優學官弟子有段善者家貧苦學壯而無室為聘富民女妻之後有持節使臣品其治行為山東第一薦為濟南知府奏未下而

卒

崔敬

舉乙丑進士授太康知縣有遺愛民至今稱之

馮

俊

字子英漢陽人豪爽明辨好為大言

鄉舉時甫十有八歲既遊太學會

人入寇乃上書自言能製呂公戰車

中貴人召而問焉言頗不遜中貴人

怒指為誑慢落其籍為民既歸於所

居漢水上藝植竹樹花卉相錯如繡

因各其地為錦繡溝既老猶曰我將

才也惜乎世無知之者

王 鉉

字大器安太里人少涉經史善書善

詩對事父母以孝聞性寬大不與物

校閭巷亡賴子酤酒狂罵輒走避以

為常未嘗一開口言人短長夜盜入

家人捕欲送之官訶止謂之曰不足

胡不相告仍以所盜物予之去其人

感化終身不復為盜其他行事多類
此卒年八十

耶 系 二

卷 之 二

王

儒

字文宗，琰之孫。體貌豐奇，進退容止，踐仁履義。任巴縣教諭，日夜誨誘科

日始盛，值誕日，伏臘必望，鄂再拜曰：

兒苟仕為父母也，今復栖栖萬里外，

父母惡在涕泗俱下，關中大饑，人相

食，乃使仲弟多載俸錢歸養父母，餘

以及宗族，又移宗族可來者三十人

於巴里，人有來巴者，亦待貲使賈為

食，比去巴關中，亦稔宗族，卒無所亡

後，調南陽教授，克盡師道，以憂歸，竟

不仕。以其子翰林檢討九思貴，封如

其官。九思被誣謫，倅壽州儒賜之書

曰：夫古之君子，竭忠其主，非有所不

盡也。修身慎行，其越人非不多也。然

往往罹於讒，古云：弭謗莫如自修。天

地日月巍乎煥然，亦求無愧於斯而

巴又何感焉年

七十有五卒

張

傑

字世英祥符教諭未及滿復補任葉縣遷國子博士監重慶府通判未滿請老公庠實觀果事當為即為在祥符時天台陳先生督學政甚重之在重慶督餉其先督餉者多緩軟無力否則以賄敗公則剛以集事而守亦不失故獨全也家居逾二十年壽八十八而終

李

儼

字畏之羅什里人鄂舊無周易舉者自公始仕為保寧府推官註誤歸在林下久居近於澆釀酒烹魚而飲無日不醺然也縣令康汝條甚敬之然不邀亦不往君子以為各得其道也

王九峯

字壽夫儒少子正德戊辰進士授御史巡視居庸開險阻簡行伍利器物

時練習衛官怠惰侵漁者必懲主將

貪懦者必斥按順天貴戚豪疆無敢

撓旌廉去貪畿內大治其年秋駕幸

居庸諸處率同列諫止前後三十疏

不允出為金華知府明禁令正風俗

清獄訟裁省費四年民大服蘭溪尚

書章公清介素著卒而家貧孤幼為

疏請月給米二石嘉靖甲申擢山西

副使備兵偏頭關未三月當道遇非

其禮遂以太夫人病歸未幾卒所著

有白閣

集行世

張紹芳

字季先學有蘊藉且善詩歌人謂有

王太史風事父母以孝聞

年一字公門不入初仕爲襄陵高平
教諭正身率士不受束脩遷沁水知
縣廉介自守權貴無容請託及以才
調五臺邊疲彰善瘴惡清獄釐弊築
城禦寇修學育才百姓有張青天之
謠比倅順天名譽益著時家宰張元
洲知其賢卽擢彼郡同知嘗攝府篆
庫吏進羨餘三百金叱去次日申呈
上司其行事類如此後以疾告休囊
橐蕭然次子補以孝廉著聲當道蓋
得之家

傳云

張楠

字材夫安太里人治詩山西榆次教
諭日作文至八九篇久而益精遂舉
山西庚子鄉試陞平順知縣後補香
河致仕歸闔門養重足跡不至塵市

間與一二老友縱步於漢陂澗濱之間偶有感發為詩歌得五柳先生體居官居鄉剛方正直有古人風一時學者尊禮之

韓期維

字光宋秦渡里人父訥為山東在平令公童時即解聲律能屬古文詞受

詩於季廉韓君化歲庚子奉於鄉甲辰中進士除河南新鄭縣知縣登好快蠹聽訟明斷庫盈羨若干金吏以白公公秋毫不入其介槩如也素吟苦瘦又新鄭道衝煩劇交集遂以不任鞅掌成疾甫三閱月卒於公署所著有劄

緹集

王惟藩

字子价安太里人神清姿偉家貧苦無書從友假讀竟日即還嘉靖甲子

舉放鄉十試南宮不第或勉以就職
藩曰入官以行道也其次爲祿養親
既不吾待不得以獻天子五斗粟何
加焉自是竟掩扉爲子弟講孝弟淵
源之學不復問當世事居恒一字不
入公門不輕發諾不比暱匪人鄉人
有不類見之少走嗛然能急人之急
見孤孽爲之器者力盪之曰吾惡夫
世之以生死貴賤二其心者真不愧
孝廉云

魏奉琦

號錦江潤州人
生而朗慧爲文擽
髓抉脉每試以第
數奇不偶竟以明
經終初授陝西
訓導隴西士多好
氣任俠公武以
禮遜彬彬有鄒魯
風蒲敏生者久次
嘗薦令重一少年
欲越次餽諷公公
不可其持正多類
此尋

遷介休諭介休令多進士諸文學逢
 迎如大府公以禮自持復遷睢州
 學正署州篆發兩豪吏奸寘之法州
 境肅然稱神晉後補王傅慨然曰使
 我碌碌為富貴何上之門不可曳長
 裾然吾終不以寸翰從鄒揚枚乘
 後為麗詞諧語以博王一日歡遂解
 綬歸里詩文自娛終身

武奮揚

號肖選李義里人出明經任四川彭
 縣令少穎異累試冠軍事繼母季謹
 及任彭縣作士愛民著有奏可初編
 政聲藉甚嗣以疾歸里邑令徐君捐
 館舍素廉不能治喪公悉為之經紀
 其事文名義氣一時罕匹

皇清張弘襟

字象南花原里人明癸丑進士初任

禮部主客員外郎

督學政端謹醇懿篤孝友至於文學

尤其所長督學山西時癸酉一榜舉

領案三十一人衆服識拔之精逆闖

入調強公以官力辭不受國朝以

來優游林下二十餘年卒

字胤武大學生安太里人以孝友稱

修髯偉幹慷慨崇氣節遇人急難輒

纓冠救之事過率不樂人知所交結

皆海內賢豪有孟嘗君風國初當

事者知其賢累辟不就觴咏自適詩

宗樂天多不傳實以義掩云

王永清

孝友

唐郭義

割股療親有司以其事聞於朝蠲免賦稅旌其居爲孝義坊

明閻性

廩生天性聰敏事孀母承顏順志甚得歡心母有病飲膳湯藥必先嘗後進衣不解帶者累日及棄養飲食減少形容枯槁時鳩鵲並巢庭前人以爲孝感所致院道以綵幣旌之

王應臻

秦渡里人家甚貧貿布作生以事二親夜常數起問無恙歲大荒倍力求給一日養不繼潛剪髮造其隣易粟食親與其妻食糟糠里人奇其事衆矚之得濟於厄母亡事繼母益篤如拾金還主皆其餘事督學旌其門給金粟優獎焉

張被

安太里人父故早母王氏在堂問安視膳未嘗一日離膝下與兄補祈產

子橫逆相加直受不報目少至老足
跡不至八門人怪而問之曰懼辱親
也邑令聞其賢詣其家拜扁曰義皇

上人

皇清王先身

中原里人邑生員好學博古持行
介順治二年流寇入鄂先身護母闔
氏遂至母子俱斃學使鄂令俱扁旌
其門

聶弘

美泉里人家貧市酒養親居肆去家
頗遠弘晝夜應客稍閒必歸家問父
母安否雖祁寒盛暑不易母故弘每
夜宿父榻側便定省家畜犬客至以
餅飼之犬不食啣飼其老犬人皆稱
異以爲孝感云

魏國成

渭曲里人少工舉子業長嗜古學堅不應試著述不苟精歐陽書法事孀母年已六旬猶依依膝下有老萊子風居喪傾貲為葬具聲動郡邑時葬亭沈繹堂太史遊秦中聞而慕之為作誌銘載陝西通志

王 曠

安太里生員漢陂先生之後孀母張氏持齋好施曠家貧供母雖藜菽必精美隨母所施靡有不應愉色婉容務以悅親流賊入城曠被擄母被殺歸家一哭而絕隣人救之經夕乃甦泣血二年時謂之真孝子

陳調陽

安太里生員性至孝父治體居樓焚陽突火入負父出父子肢體一無所傷人以為神助父故僅弱冠兄調元蚤世遺孤軸聖甫八歲弟調中南四

歲事孀母魏氏先意承志知母素憐孤孫幼子一切家產盡以美者與之又爲延師取友日夜勸課皆成成立督學使者屢擢其優行云

王邠

安太里人少剛儼有大志不治生業與人交不設城府或面揖人過人無怨者家貧力奉事兄如父友愛諸弟解衣推食忘爾我皆人所難能

陳輔聖

太學生安太里人少孤依孀母形影不離比長治行醇篤與物無忤時人方之陳仲弓母病憂形於色藥必親嘗衣不解帶母一日不食聖卽一日不食母死哀毀成疾未逾年亦卒其至性醇孝終身孺慕誠近今所罕邁字濟川潯曲里人生員美髮修幹和平淵雅事父母色養備至待兩弟友

魏惟野

字濟川潯曲里人生員美髮修幹和平淵雅事父母色養備至待兩弟友

愛一飯未嘗不與其片時不借如失
左右手督學秦公旌之曰季友仁讓

足式鄉閭

蓋實錄云

王廷臣

仁和里人邑生員家貧假館穀以其
甘旨母病侍藥衾衣不解帶鬚髮為
之白卒之日哀毀骨立及父病日卒
輟食廢飲哀毀目幾失明一時名士

多出

其門

張

燭

安太里人邑生員穎悟善屬文十六
列鬢序邑人士咸以偉器期之乙酉
賀賊陷城虐赤其父燭以身翼父賊
賊斧斫其腦而死督學楊公旌其門

曰殺身

成仁

張玘

里人父張彥俊病豔醫不能治玘日夜涕泣忽有一道人曰我能治

汝父病須人肉為引奈何即持刀割左股肉一塊和藥服之病遂愈

王賢

秦渡里人家貧為力館工俸親衣食未嘗少缺於親舊家遇有菓肉必懷以進之貧者食不敢遽食及親卒與身以

王邦

安太... 員父病累藥弗愈邦日夜禱神... 一日視父糞白驚駭無措即嘗之苦甘對兄弟涕曰父糞無味當不... 其父果數日亡

王壬生

安太... 貢士... 先生五世孫少穎與工舉子業及古... 詞每屬文下筆立就父旭愛之曰... 先人餘徽者必此子乃下帷二十餘年歷七試不第

至舉明經而父母已老承顏養志得無戚容及父病草衣不解帶水粒不入口者數日父歿號泣欲從地下親族勸之泣曰初吾父篋香甚奢而吾累戰北拂父心大不存今竟見背是使吾父含恨於九淵矣自是哀毀骨立數月

遂卒

樊邦彥

渭曲里人家坳河村四世同居家人數十口毫無間言有古張公藝風

楊傑然

美泉里人其弟庠生時可被流寇擄去傑出金贖回弟不幸早故二子俱幼傑代耕十五年及成立還其產一無所侵里人義之

如璉曰兄弟翁而父母順式好無尤較服養

止

更足悅親蓋友於兄弟即所以承歡二人也
故孝友為之並著云

高士

唐李遂良

隱居鄆南高駢有寄鄆杜李遂良詩
李洞有寄鄆南詩

紫陽閣隱者

遺其名李太白有寄詩

宋吹笛生

吹笛生者鄆人也祥符中范文正游
終南與逸人澶淵王鑄道士海南周
德寶臨海屈元應遊周精於篆屈深
於易皆善琴鑄嘗戴小冠衣白紵跨
白驢相與嘯傲鄆杜之間開樽鳴弦
或醉或歌語未嘗及榮利一日相與

那係志

卷之七

三

宴坐圭峯之別墅暮山紫翠橫絕天
表樂甚已月高露下羣動漸息忽有
笛聲自西南依山而起上拂霄漢下
滿林壑清風自發長煙不生聽之天
地人物灑然如在冰壺中也范公大
異之問鎬吹笛者何人也鎬曰此一
書生老且貧每風月夕輒操長笛奏
數曲自娛如是者四十年矣范太息
往就之其人去不得見而反其後鎬
舉進士中甲科忽遘疾旅死周道士
親視藥餌卒爲飯含齋其柩行哭於
道中歸葬之後范位通顯賓客滿坐
鍾鼓在庭白髮憂邊對酒鮮歡遇周
道士至涕下沾襟曰嗟乎安得如圭
峯月下倚高松聽吹笛乎彼吹笛生
何其遠也

明王語

字仲倫安太里人甘貧苦學尤善教

一時名士多出其門有為他人弟子不循矩者必面斥之其人退即改行嘉靖辛酉歲貢入禮部不仕

王恒心

主簿麟木子制行粹白周貧濟急意豁如也好飲延客不盡歡不止以廩告冠服督學旌之曰清朝逸士云

王九叙

字禹夫王儒中子自鄉舉後未嘗赴禮部會試隱居自樂蓋將終身焉

張汝猷

字希陳敦厚正直有前輩之風焉大復何先生督學時告退不願科目何先生聞其行復取入場比貢入禮部竟不肯入大學求仕乃赴吏部告歸

吏部予之冠服榮其身

楊汝清

字本直美泉里人性聰慧日記數千言尤長於古風竟不第初司大名府訓陞興縣論不為官拘束壺觴自樂有春風沂水之趣焉

張

補

字退思同知芳次子為邑庠生動遵禮度孝友天植鄉評重之

石寶王

致仕教授純慤端方課子訓徒真善俗移風之人

王山木

字養之漢陂之孫為人坦夷瀟灑詩文自娛一觴一詠興致極高與人不較是非真賢者之後也

王遷木

字慶軒安太里生員早孤事孀母色養備至潛心義禮之學言動一毫不苟不妄交不干謁權貴鄉里無少長咸敬畏之

騫高第

字雲翥新陽里生員性至孝友慷慨
好義明崇禎十三年歲大饑傾粟賑

濟全活者甚衆前令泗源張公福曰

義高賑饑學憲汪公福曰弘仁高士

皇清買應隆

字棟伯花原里人文行兼優將應歲
薦館逆屬之變足跡不入城市於家

教授絕意進取署篆駱公福其門曰

節義流芳勒之石曰安仁處義

王永圖

字伯固安太里生員性醇謹嗜學雖
盛暑不去水冠接人無少長咸敬為

文典瞻博雅邑有大連會皆出其手

孝友無間年七旬每念二親輒痛哭

流涕待弟姪篤愛時人推為先輩典

型所著有永思艸香鴿鳴杖杜編角

弓怨

鰥吟

王振世

字安卿安太里生員沉靜端凝與人交不輕然諾不臧否人有橫逆不與

較萬曆乙巳歲大饑與見生員輔世

輸粟百石濟之載通志杜門高隱詩

畫自娛所著有浪吟艸五陟秋古豐

人景圖詩善四體書法

孫振

字公起花原里生員修髯偉貌凝重寡言闢逆僭號對北涕泣自是隱遯

不出沉醮五經充好春秋三傳教授

生徒務有理過欲署篆駱公扁曰高

風儀

世

段作棟

字國柱新陽里生員賦性和厚持身莊雅事親教子堪為後進模範藹吉

君子

也

馬之驂

字次中美泉里廩生外和厚而內方正取與一介不苟入學數十年足跡不入公門甘貧好學亦晚近所希遷

者

趙弘嗣

字繼世羅天里生員居家以孝友聞忠厚和平與人較是非不干謁權

貴耕出之餘讀書飲酒而已

書飲酒而已

如璉曰人品至今日卑污甚矣求其孤介自

持超然遠舉戛戛乎難其人耳高士之行雖

屬獨善而清風亮節表表在人耳目者未始

不可為鼓勵頑儒之一助誰謂高士僅獨善

乎

義行

明侯

峪

景泰年出麥豆三百石賑荒有司以聞賜勅書獎勵勞以羊酒旌之曰義民仍免本戶

雜泛差役

魏

綱

渭曲里人通判璋之父少家貧孤介自守不妄取大戶王元飲綱務內遺

官銀二十兩次日亡不知所在其人

幾欲自縊綱聞之即出原金與之封

志如故一時服其高誼云後子貴愈

益謙謹里人咸雅重之已丑歲邑人

復有事城隍廟四方緣費約千金餘

出入其手功成人無以私意之者其

素行允服

也如是

魯潮江

中原里人慷慨好施與明萬曆四十二年歲大饑潮江親詣撫臺堂請輸已糧賑荒撫臺詢之曰三百石乎江少之又詢曰五百石乎江又少之竟自輸一千石撫臺喜謂之曰將子便號魯十萬可也遂加義官冠帶扁其門曰惠濟羣生其孫廩生駟當崇禎十三年歲饑雖家道不及江時亦量捐已貲濟之又貸鄰邑大家糧二百石分給里人可謂不愧乃祖矣

安太里人萬曆時歲饑司檄輸粟七十石者冠服榮身祐少之倍輸其數邑中公務邑令悉委之事完即退終其身不敢以私事入公門前令莒州

王惟祐

鄉系示

卷之二

劉公高其誼後為御史聞祐卒遣使致賻亦異數也

劉堰

文義里人少讀書未成業農慷慨好義散雜糧以救凶荒施棺木以葬骸骨又輸資建堡修橋刻勸善羣書行世里人德之為之建祠豎碑

趙守文

渭曲里人性孝友出粟賑饑捐金修堡里人稱為義士仁人上臺有扁獎羅天里人遇荒散粟以賑貧民前令表為壽官樹扁曰齒德兼隆

張惟炳

字秉一渭曲里人邑庠生鄂自明末迄國初取士以下縣例成不平曰

皇清趙守成

吾邑諸差役俱從中縣例柰何取士而獨以下縣例乎於是呈准呂文

宗始以中縣例取士至今邑士大夫稱頌不衰孝友忠信善於誘掖後學

不計束脩門人及姪輩遊邑庠者數

十八

王輔世

安太里生員萬曆乙己歲大饑與弟振世輸粟百石賑之

王永嘉

安太里人個儻魁偉好善樂施閭黨有婚喪患難無不周給稱情焚積券置義塚順治年間知縣趙之璧奉

旨

李發榮

花原里人重義輕財樂人之樂憂人之憂康熙十三年蟲傷二麥秋禾弗登兼以軍需浩繁人不聊生榮出金粟賑之全活甚衆鄉人墜碑以頌其德

劉必壽

劉昶

俱中原里人壽康生昶貢士順治十四年歲饑里人皇皇

不能自存壽昶捐已貲賑濟不足又
出名書券轉貸鄰邑大家得銀二百
兩粟一百餘石計口分給里人得以
全活扁其門曰誼高德隆

王藩

花原里生員才行兼優崇禎十三年
歲饑藩悉出所有以賑貧乏前後焚
積券甚多值闖逆變絕意仕進遊泳
山水詩酒自娛

仝騰霄

邑庠生性孝友言動循循有矩矱教
授生徒雅重道誼不計束脩以此從
學者甚衆今年七十有五可謂德厚
而齒高矣

張讀

美泉里人崇禎十三年歲饑施糧百
石賑濟里民國初山寇猖獗捐金
七十兩修築堡
城至今賴之

張筮

美泉里生員里人張聞知無辜陷法
出銀力為辯寃其人得以不死兄與
故遺子學渠效渠俱幼代理其家多
方教訓皆底城立順治二年賀賊陷
城前周令被賊刺傷奸人欲害之筮
率族人百餘左右保護至今稱為義
舉

烈士

明吳大猷

生員文義里人率鄉勇拒賊力戰村
破被殺

仝調鼎

生員丈八里人鬪賊西來領鄉兵堵
截格鬪而死

張奇英

生員花原里人拒賊見殺

王福 牛員新陽里人拒賊見殺

劉學鑑 文義里人率鄉兵救援與吳大猷同死

王良志 太平里人賊至手刃驍勇十餘人賊不得入村因刀柄折為賊所殺

劉慎 太平里人賊至力戰殺賊十餘人救父出復入援村被賊射死

靳之翰 邑生員為人敦厚重義輕財崇禎十三年遇奇荒濟活甚眾進學三十年

公門曾無片紙後因流寇猖獗辱及其身罵詈不絕自縊死

張宗孟曰余甫蒞任時闖賊正在鄂鄂民被

賊殘害目不忍視而烈丈夫貞女子或鬪賊

而死或罵賊而死剛腸烈志真可爭日月光
而同天地老者當吾世而名不聞於後長吏
者之責也恨不能盡悉其人謹據輿論僉同
者列而傳之以爲振揚風化之本云

皇清王

圻

美泉里生員順治乙酉賀賊陷城圻
不少屈竟以罵賊殺身

王

珣

安太里人正直不苟賀賊陷城遭其
旁虐珣恥之賊去七日不食死

惇民

屈順秉

孝義里人宅衷和厚能緩急人前劉
令舉者賓

杜世芳

安太里人持身恭謹導人以善巡按
扈公賜扁旌之

張綬

花原里人樸實醇謹不妄言動鄉黨
有不平者皆往質之無不各釋其意
而去里人服其公平

王和

安太里人漢陂先生四世孫父母早
亡堂嬪張氏憐而撫養和後成家以
母事之能濟人不望其報與人交不
較是非蓋不愧名人之後云

張養廉

安太里人質直無偽守分力耕年逾
九十未嘗一至公門有葛天氏遺風
安太里人居鄉謙謹不妄為不雌黃
人短長邑人以是重之

王琛

安太里人能周急生平不入公門里
中人弟無賴者責以大義無不愧服

全誥

安太里人能周急生平不入公門里
中人弟無賴者責以大義無不愧服

王尚魁

花原里人性剛直敦厚身軀魁梧生卒未
嘗以私害公年八十餘舉鄉飲耆賓

焦萬水

中原里人家素饒與其子德好善樂
施里中喪塋婚嫁有不給者輒出財

助之前邑令
屢表其門

張瑛

羅天里人約已守法樂以財濟人然
亦不聲名報鄉閭稱為善人

高屢昇

丈八里人質樸無偽詐年近八十未
嘗言作人嘗教其子曰吾家世醇
良爾等以宜力農守法慎勿生事以
貽吾憂里人由是敬之

如蓮曰郭邑夙號醇朴縉紳愛鼎學士守規

猶有先王遺風焉其他亦有不務儉勤不顧

耶絲云

卷之七

七

粵縣志 卷之七
品行徒攫財貨者甚至狡詐相尋獷悍難馴
自列化外之民文之惇民不啻雲泥矣吁安
得人盡惇民以進其局之舊俗乎

寓賢

漢朱

雲

字游魯人成帝時以故槐里令上書
求朝安昌侯張禹帝大怒將誅雲雲

攀折殿檻賴左將軍辛慶忌叩頭救

免雲自後不復仕常居鄠田時出乘

牛車從諸生所過皆敬事焉薛宣爲

丞相雲往見之宣備賓主禮因留雲

宿從容謂雲曰在田野久亡事且留

我東閣可以觀四方奇士雲曰小生

延欲相吏邪

宣不敢復言

唐李

綱

字文紀觀州蓇人隋文帝朝為尚書右丞時楊素蘇威用事綱持正不詭隨會大將軍劉方討林邑素言林邑多璪寶非綱不可任遂署行軍司馬軍還不得調稍除齊王府司馬復詔出南海應接林邑久不召乃身入奏威綱擅去所部屬吏會赦免屏居鄠後仕唐為尚書終少師云

李神通

高祖之從弟也高祖起太原神通尚在長安遂亡入鄠縣山中與大俠史

萬寶等起兵迎高祖

平陽公主

岐州刺史柴紹之妻唐高祖之女也高祖李淵起兵晉陽次子世民

耶絲

狗渭北公主舉兵以應之初高祖之
有異志也柴紹以仕隋東宮宿衛居
長安高祖潛使召之將行以公主爲
難公主促之曰君第速行我一婦人
當自爲計遂歸鄠縣別墅散金結士
自毀匿踪聞高祖入關使其奴馬三
寶說嘯聚大俠歸附進攻蓋屋武功
與平皆下之衆至七萬人長安大定
遣使迎高祖正位封公主號平陽後
薨詔加鼓吹班劍武備甲卒以葬太
常奏非婦人禮高祖曰公主親執金
鼓輔成大業豈與常婦人比乎事載

綱目

杜甫

字子美少陵人遊歷題咏遍秦蜀之
中而尤愛漢陂故秋興詩并岑參况

韋 冊

弟邀遊詩具在鄂人至今稱羨坡為杜公陂名其堂為空翠皆宗杜意也事太子承乾能匡諫事高宗東宮為中舍封武陽侯冊早孤從外祖顏真卿學擢明登選授安遠令以讓其庶兄入禁閣山亭從父熊通五經登科累殿中侍御史

蕭 穎 士

字茂挺梁鄱陽王叔七世孫早有神穎幼以文章知名未弱冠舉進士第一人士競師尊之號蕭夫子史官章述薦穎士自代召詣史館待制而林甫方威福自擅俄免官往來鄂杜周林甫死倭使入朝自陳國人願得蕭夫子為師

岑

參

別業在澧水西高冠潭或以爲曲抱
村未詳

溫庭筠

鄠郊別墅寄所知詩云持願望平綠
萬景集所思南塘過新雨百草生容
姿幽鳥不相識美人如何期徒然委
搖蕩惆悵春風時則庭筠之客物可
知

元楊

負

字負然乾州奉天人金末舉進士不
中乃作萬言策指陳時病未及上而
歸隱居鄠南山下柳塘教授鄉里前
後凡四年蓋遠近從遊者以百數稱
爲紫陽先生云居有讀書堂清風閣
其旁有紫陽泉從遊者爲植柳千株
負後仕元參議京兆宣撫司事上書
乞歸年七十卒

明王許

蓋屋人以舉人仕山東沂州知州居於鄆

皇清馮明世

咸寧人字今白號迂庵國初移居鄆之曲抱村遂以清江為號由明經任直隸新樂令居官清惠不事家人產有餘俸即市古董濟朋友貧乏者歸田後以詩酒自娛作詩文做古大家所著有秋水堂集及浴池草漳草行世

楊應祥

咸寧庠生字履吉明季移居鄆之割耳庄又號竹林中人少工舉子業值李逆之變遂不赴考試尤邃於詩及古文詞有所作輒復棄去人勸之禹稿則曰吾已逃世留此安為教授生徒以終其身

馮文錫

字禹文明世中子中甲午鄉試見任岷州衛教授詩文世家所著有南遊

草及咏野
大觀樓詩

如璉曰陂以杜公名庄以子房著山川雖勝

得名人遊歷更足生色人苟卓然自命何地

不著芳聲流寓且然况土著乎

節婦

元閻禎妻楊氏

道安里鑿齒村人適禎未久禎卒楊氏二十二歲誓志守節五

十年元至正元

年詔旌其門

明朱威妻王氏

知縣致之女一子甫倅舅中道背

其姑欲嫁氏百方患苦之氏誓以死
晝夜紡績自給抱哺其幼子子長為
納婦生有二孫孀居四十年正德丁
卯詔旌其門壽九十二終

生員王應元妻魏氏

元死於疫子女相繼而
夭零丁孤苦媒至輒叱

之百折不同白首彌堅其子生員徵
妻高氏以徵病故毀容輟餐欲殉之
隣里以姑老子立無人養勸之稍解
踰月媒來促嫁高氏以少婦不敵眾
口日夜悲號成疾歿於守制之八月
年僅十有九官為立扁旌曰一門雙
節

張文囊妻王氏

年方二十三歲文囊病卒遺二孤俱在襁褓氏堅持貞節

撫育之當道者給月糧旌門壽八十
二終

李庫妻張氏

性貞靜精女工勤紡績二十一而孀居邑富豪欲奪其節氏誓

不他適養姑撫幼垂五十年辛苦備嘗如一日

曹進節妻王氏

進節以地震斃蒲州旅舍氏聞喪毀容絕食願以身殉父

母親戚以子女故數勸之乃止志節愈堅

舉人張初妻李氏

安太里人夫卒於父任氏年一十九歲子女無出日

夜哭泣不止焚香告天誓不他從蓬

首垢而不出門門奉事舅姑持節如里

若姊妹且能骨肉和諧鄉里稱羨守節四十餘年卒

李勤妻仝氏

丈八里人夫故氏一十八歲居家甚貧遺孤未及三月哭夫盡

哀以姑老無依誓不從人晝夜績紡勤鞠至劇奉養不缺姑悅其孝嘖嘖稱賞比姑沒謝蹶成墓事成禮厥子亦成立不幸夭逝嗟乎天胡不大節孝之後而令其斬然也報施善人安在哉

生員史宗直妻馮氏

年十四歲歸直五年夫亡氏長慟不食數日而

卒遺女甫一歲後三年忽奔哭於父母墓上家人抱之歸而氣絕人以謂

史氏節

孝焉

舉人王墩妻何氏

十五歲歸其夫二十三歲夫亡安貧苦節守志而歿

年四十

六歲

武輻妻高氏

十八歲歸其夫三十六歲夫亡奉姑撫子矢志守一經申獎旌

表其

門

魏邦開妻南氏

新陽里八年十八歲於歸僅三年夫卒子方六月誓守三

十餘年教子

翻成廩於庠

何津妻楊氏

太平里人二十五歲喪夫守節四十餘年勁骨獨完剛腸不二

詔旌

其門

高徵妻李氏

孝義里人二十五歲喪夫冰玉其操鐵石其心上侍老姑下育

弱子歷五十餘年卒詔旌其門

皇清生員陳調元妻王氏

安太里人年十八夫亡勵志守節孝親教子歷

五十七年如一日以疾終

生員張國紀妻魏氏

花原里人孝事翁姑甘心守節孀居四十年本

縣表之

生員屈有仲妻王氏

孝義里人夫亡年未三十無子矢志守節舅姑

感其志堅以其兄子宗韓嗣之婦道姆訓備至

生員陳治隆妻王氏

安太里人夫故氏年二十歲矢志守節撫育血

胤卒年七

十八歲

生員王永極妻王氏

安太里人順治乙酉賀賊陷城罵賊被斫其腦

以血塗面不為所污夫亡年二十八歲守節二十年而終

韓鐸妻閻氏

秦渡里人年二十七夫亡守節家至貧而其志不移今年七十

八歲

王德用妻張氏

文義里人於歸七年夫亡遺孤甫二歲家貧如洗或勸之

嫁氏厲聲曰夫亡尚有子在以我故而絕王氏齋禽獸之行也誓與此子

以死相守冬月無被日嘗一食盡衣
哭夫雙目俱盲卒年七十餘歲

張我忠妻楊氏 安太里人適忠八年夫故子
女無出守節七十一歲卒

惠昇妻薛氏 安太里人昇卒誓不他適家甚
貧志益堅六十年如一日

魏國華妻李氏 渭曲里人夫故氏幼誓不他
從苦節終身今六十七歲

王忻妻李氏 文義里人年三十夫亡遺子在
襁褓氏甘貧守節義方教子冰

操霜節數十年如一目時人方之孟
母焉今年六十四歲見請表

潘昆妻趙氏 天和里人年二十五夫亡姑老
子幼誓志守節事姑教子三十

餘年
而終

武進士王天良妻楊氏

秦渡里人年二十七夫亡堅心守正紡績

育子年七

旬而卒

高興妻楊氏

丈八里人年二十五歲夫故遺子高世寵甫數月守節育子世

寵娶妻全氏生子高錢兒甫二歲寵

亦亡全氏僅十九歲與姑楊氏冰孀

共砥今楊氏壽踰七旬全氏年臻四

十一門雙節里人艷為美事

商金礎妻張氏

右衛人適金礎僅月餘夫故氏哀毀骨立幾於自斃幽居

守貞壽七

十八歲卒

劉孔蔚妻崔氏

中原里人年二十六歲夫故子女無出躡躡痛哭欲從夫

地下念姑在堂遂以養親爲已任始
終矢志彌堅絕粒數日又自縊其弟
生員劉孔芬夫婦探知解救方甦迎
養於家數十年壽七十五歲卒

王永年妻陳氏

安太里人性聰穎精女紅善
書畫年十九夫死守節終身

六十五

歲卒

生員王琪妻王氏

安太里人琪故時氏年二
十八歲誓志守節堅如金

石孀居五

十餘年卒

閻攀桂妻楊氏

道安里人年二十九歲夫故
無子紡績度日自守今年七

十餘

歲

生員沈中奇妻姚氏

道安里人年二十七歲夫故遺子三齡父母欲

奪而嫁之剪髮自誓百苦備嘗年踰六旬以節自終

張闇然妻劉氏

花原里人夫亡年二十有四守貞自矢至今四十餘年

生員高恒妻焦氏

丈八里人年二十九夫亡翁姑相繼而逝遺弟甫十

歲子甫六歲苦志守節今年已六旬子與弟俱成立

生員喬搏妻周氏

兆豐里人年二十四歲夫亡子在襁褓事孀姑敬養

備至節傲冰霜

今年七十有二

全調宣妻李氏

丈八里人年方少艾夫亡子甫襁褓公姑逼適人氏剪髮

毀面矢志守節繼而家愈貧守愈堅
歷四十餘年如一日

孫德修妻魯氏

花原里人十四歲適修十九歲修亡織績自給堅冰矢志

壽八十
四歲卒

生員全廷璽妻王氏

羅天里人年三十三歲夫亡遺子甫二歲誓志

冰堅不事二天
今六十有一

張養儒妻劉氏

安太里人年二十二歲夫故矢志守貞紡績育子歷盡窮

餓不二其心
年八十餘卒

張世德妻孫氏

兆豐里人年二十三歲夫亡上事孀姑下育幼子荼苦備

嘗至今五十餘載

閻中立妻薛氏

道安里人年二十四歲夫歿田產一無所有立志守節撫

孤訓子六十

三歲而卒

武世貴妻王氏

秦渡里人二十五歲夫亡伯叔逼改嫁氏引二子口啣人

糞誓不他從里人勸之氏仰天號呼遂斷其髮苦節七十年卒

生員韓國璽妻貞氏

秦渡里人二十八歲夫亡內外無倚艱苦備嘗

延師教子每解粧供給今子俱成立年已六十五歲

生員段植體妻騫氏

新陽里人二十七歲夫亡矢志堅守五十餘年

如一日
以疾卒

生員董學顏妻李氏

孝義里人二十四歲夫
遭兵害遺子尚未離襁

祿家業消耗僕婢星散祖菴王生者
少年富家心慕氏德容動以金珠維
時族姓貪彼賄無不逼氏改嫁氏竟
投身井中賴家人救出自是人不敢
言今年六十有二

如璉曰節婦較烈婦更難烈婦捐軀或一時
志氣所發廉恥所激至於節婦則百年茹荼
艱苦備嘗使非有堅忍不拔之操貞如金石

柔靡之性鮮有不爲時事所移者節婦豈易得哉

璉按柏舟矢操婦人之美德然義例不合亦不敢遽入如馮文銳妻王氏穆春妻劉氏趙純淑妻閻氏賢聲雖著而年未及髦附紀於此以俟後賢之論定

烈婦

秦范植妻孟姜

按通志豐人植役死長城姜負遺骸至同官縣北三里許死石

中穴

明王漢妻張氏

安太里人漢病誓與俱死及卒氏哭之正寢抵暮入室飲藥次

日果死巡撫路公巡按下公聞於朝命有司豎碑墓前以彰其烈太微張

先生為述烈

婦傳行於世

楊遇周妻何氏

太平里人夫死孀居賊至強挾不從乃縛於樹氏大罵賊

怒以刀割乳塞其口氏嚼乳仍罵不絕口賊遂剖腹死

生員趙日昇妻李氏

興仁里人同賊過與夫同被擄計欲脫夫給賊

曰此吾兒也釋之即從賊以為然日昇因得疾走氏度其去遠即雙手抱

樹言賊賊大恚以刀劈之至死兩手猶抱樹不放

山思廉妻關氏

迫安里人夫故孀居賊逼罵賊被殺

姚大德妻關氏

興仁里人賊過過擄不從被殺至死罵不絕口

閻祚昌妻沈氏

道安里人賊過過擄挺身大罵賊怒殺之神頭以受

舉人陳治衡妻王氏

安太里人宗禎奏未闖逆陷城身死

皇清生員陳治徵妻魏氏

安太里人順治乙酉賀賊陷城以非禮挾之百

每備嘗竟以罵賊殺身而死

劉于陞妻朱氏

前衛人故明宗女順治乙酉賀賊陷城見氏姿容自計挾

戮罵不絕口賊怒斷其手足死極慘烈

王教成妻邢氏女王氏

安太里人順治乙酉賊陷城見夫為賊害

氏與十四歲女

俱投井而死

王鄂妻趙氏

安太里人順治乙酉賀賊陷城見氏姿容欲以非禮挾之氏極

口罵賊投

烈火而死

王鄆妻史氏

安太里人順治乙酉賊入城氏知無計脫身投入井中賊百計

誘之終不出賊怒投以磚石死井中

生員全調鼎妻王氏

丈八里人流寇入村調鼎格鬪被殺氏誓以身

殉哭泣不食
嘔血升餘死

王鷺妻彭氏

安太里人賀賊陷城氏與居民
避城樓上聞賊入城恐為賊污

即墜
城死

韓光隆妻李氏

秦渡里人頗有姿色順治六
年為山賊所擄百端呼罵賊

怒殺於道旁氣息猶存罵不絕口賊
復以小刀刺其頸須臾死

如璉曰生死之際難矣哉刀鏘臨身雖丈夫

亦有紆迴卻顧者况女子乎鄂自兵燹來捐

軀殉難之婦不可勝紀今據所見聞錄之草

野間尚有湮沒不傳者豈豐鎬遺化猶有存者乎寧為王碎毋為瓦全可欽也夫

孝婦

明閻鴻業妻王氏

王海女聞父講為善陰薦等書嘆慕不已適邑民閻鴻業

舅蒞疾且殆手鴻業及氏屬後事鴻業奔神祠祈禱氏聞人肉可療病入厨割股作羹供舅舅食而疾愈孝哉婦乎可垂訓矣

皇清生員孫丕振妻左氏

秦渡里人翁疾危屢治不效氏焚香祝天割股

烹羹暗入藥內服之即愈

生員魏惟野妻王氏渭曲里人幼嫻女訓適野家貧氏晝夜紡績盡

脫簪珥以佐舅姑甘苦及姑卒事繼

姑承顏順志不敢言苦性色依然如

事先姑時如煙燭

間言遠邇奉為母儀

如連日子之於親屬毛離無骨肉之情

至婦於翁姑以謾不相識之人欲為最相關

切之事行雖勉強其如中心不屬何哉若乃

溫清不倦定省時殷甚至股肉作羹有為丈

夫所不能為者此其人豈易得也哉

賢媛

霍鳳池妻張氏

里人兄嫂早逝遺姪
張氏孀居撫愛如已子後

克成立壽
八十餘卒

生員王振世妻張氏

安太里人適振時舅姑
已喪氏撫姑遺女於歸

時盡出已物為奩每伏臘薦先必手
自潔治與子孫言及先人輒涕泣數
行下以未及孝養為恨振先臥病氏
日夜憂煎遂病前後三日夫婦偕逝
人以爲靜
好之驗云

生員傅作善妻鄭氏

保峪里人事翁姑至孝
以已無出恐絕夫嗣勸

夫娶妾略無妬心後妾生子氏善育
之不啻已出夫中道亡氏守節教子
入庠家業不

墮真賢婦也

張奠妻劉氏

美泉里人夫故氏撫孤守節治
家勤儉教子多方今皆成立

如璉曰婦人以節烈著婦人之大不幸也世

人以爲美談當身不勝悽苦矣曷若安常處

順素位而行者之爲得哉龍逢比干能流芳

於青史禹臯稷契反不足仰止於奕葉乎善

乎魏文成之言曰願爲良臣不願爲忠臣余

於賢媛亦云

閨秀

王氏

九敘曾孫女 齧屋龐源妻 源以孝廉累官至知府氏幼聰慧與舅趙岨同學詩

文於外祖趙廷瑞其詩溫厚和平雖岨亦自為不及也著有文集及媛泉八咏今擇其尤者四首載於後

綠筠深處

閒庭曲徑遠芳叢 無數幽篁掃碧空 碎影篩銀千片月 清音戛玉一林風 儼依節士煙霞外 恍睹神妃澤渚中 最喜炎時堪布席 涼生綠雪勝玄工

望舒先得

登臺喜見月如銀 洞口花枝夜未湮 拂

樹坐邀花作主飛觴笑倩月爲賓月明
亭榭花增艷花映櫺櫺月倍新娥影四
時無不可獨憐秋宇更無塵

渭水秋濤

夜來霜氣滿林皋渭水連天浸野蒿莊
叟謾誇濠上瀑枚生莫賦廣陵濤瞿塘
象馬連難辨瓠子魚龍怒欲號只爲鮑
奇危坐久詩情酒興倍增豪

書臺別境

初誰築室傍清沅仲蔚風流異世存紫
閣山人時命駕泝東僊史其揚樽當年
此地誇龍臥別業於今改鹿門循吏勳
名超往哲里標道德望彌尊

如璉曰詩集藝苑學士所難况出婦人女子

乎運風雅之才開錦繡之口如王氏者則柳絮因風不得獨芬於謝媪矣

鄆縣志卷之七終

學
非
元

卷
六
十

三
九

鄆縣志卷之八

災異考

災異舊志不載鄆雖崑爾一同之內有民人
焉有社稷焉詎無感召之端乎災異不列是
天變不足畏而庶徵念用俱屬杳杳之事矣
續災異志

成化二十一年歲大饑

嘉靖七年歲大饑

三十四年地震有聲

四十年地震

隆慶二年地震有聲

萬曆八年夏大旱秋霖十日乃止隕霜殺菽

十五年夏大旱秋霖隕霜殺菽太饑

三十二年閏九月大旱地震

三十三年正月大雷

三十四年春大旱

三十六年歲大饑人相食

四十年十一月大風拔木飛瓦

四十四年蝗大饑

四十五年四月至七月不雨秋禾不登

崇禎元年三伏無雨冬大雪牛羊多死

二年四月霖雨

四年秋大旱

七年大風拔木歲大饑

八年歲大旱二月初一日日赤如血雨灰

十一年大雨

十二年蝗大饑

十三年蝻生食禾殆盡大饑人相食

十四年春大饑人相食

皇清順治九年六月初八日地震次日復震

十二年天雨蕎麥

十四年旱蝗歲饑

康熙元年大雨自三月至九月官署民舍縣城
鄉堡皆傾圮禾盡傷

十三年三月蚰蜒食麥殆盡秋大旱禾不登
十六七八年秋大雨城堡傾圮漂沒民田甚
多

二十一年蟲食豌豆不爲災

騫振飛曰春秋二百四十二年書曰食者三
十六蓋以天變示儆也故降殃降祥雖一身

雲鼎志 卷之八 三
一家尚有感召况百里侯封乎如曰災異不
必志也則古人克謹天戒者又何說也

王心敬曰舊志紀異後有垂戒一條單載馮
小寶今削之天下惟有善惡兩途入此則出
彼孔子曰道二仁與不仁而已矣既有孝子
節婦義士惇民則不孝不節不惇不義者可
知然則惡之當戒豈得以小寶槩之與

鄆縣志卷之八終

異教攷

二氏之教官制不廢然治黃老家言者旨易
明耳惟佛說浸淫幾欲抗吾儒上故幟正學
者多闢之第鄆地之勝皆什圭兩緇遺跡弔
古者率游咏焉則又焉可泯諸用自本傳而
外別立爲考弗崇亦弗略也

劉璞

仙

宋王冲陽

在秦渡倡率四師分
柳言志今有丹陽井

元高道寬

延祐

四年勅封洞觀普濟圓明真人勅曰上天眷命皇帝聖旨洞觀普濟圓明真人高道寬早知讀書富而好禮推擇為吏其初心寤寐求仙大有所得尚戀晨昏之養克終父母之喪即棄家為黃冠冀飛昇於白日井曰之役曾不告勞堂構之勤久而彌篤肯負平生之志誠為不世之逢爭洞真而實繼其傳受秘籙而式弘其教以真常誠明之薦領重陽甘河之宮道價益隆玄風大振不有追崇之號曷明始卒之功可加贈洞觀普濟圓明玄德大真人主者施行

釋

晉釋道安

與襄陽習鑿齒入秦嘗遊鄠今有鑿齒村

姚秦道安

什

此云童壽天竺人善經律論化行西域符堅遣驍將呂光伐龜茲以求之堅為姚萇

所害什客光所譚與賊相驗及長僭關中把

其高名呂以什智計多解不許東人及姚興

襲位遣使敦請弘始三年道安因忿變為涇

以為美端其年十二月什至長安興待以國

師之禮仍使人西明閣及道園譯出衆經

羅什多所暗誦無不究其義旨既覽舊經多

有訛繆於是興使沙門僧叡僧肇等八百餘

人傳受其旨更出經論凡三百餘卷沙門慧

叡才識高明常隨羅什傳寫羅什每為慧叡

論西方辭體商略同異羅什雅好大乘志在

敷演常歎曰吾若著筆作大乘阿毗曇非迦

旃子比也今深識者既寡將何所論惟為姚

興著實相論二卷興奉之若神嘗誦經于草堂寺興及朝臣大德沙門十有餘人蕭容觀聽羅什忽下高坐謂興曰有二小兒登吾肩慈鄴須婦人興乃召宮女進之一交而生二子焉興嘗謂羅什曰大師聰明超悟天下莫二何可使法種少嗣遂以伎女十人逼令受之爾後不住僧坊別立解舍諸僧多效之什乃聚針盈鉢引諸僧謂之曰若能見效食此者乃可畜室耳因舉七進對與常食不別諸僧愧服乃止杯渡比丘在彭城聞羅什在長安乃歎曰吾與此子戲別三百餘年相見杳然未期遲有遇於來生耳羅什未終少日覺四大不愈乃口出三番神呪令外國弟子誦之以自救未及致力轉覺危殆於是力疾與衆僧告別曰因法相遇殊未盡心方復後世惻愴可言死於長安姚興於逍遙園依外國

法以人焚川新滅形碎惟舌不爛沙門慧遠
於中國僧最深陶徵士潛從之游結白蓮社
者也聞羅什來自西條中所疑爲得地問之
其偈言既已捨染樂心得善攝否若得不馳
散深入實相否畢竟空相中其心無所樂若
悅禪智意亦非停心處仁者所得法幸願示
其要而羅什答之言本端竟何從起惑有無
際一微涉動境成此類山勢感想更相乘觸
理自成滯時無悟宗匠誰將握玄契來問尚
悠悠相與朝暮歲蓋疵之也而羅什言天竺
國俗重文製地設中國人集靈聖其宮商體
韻以八絃爲義凡觀國王必有讚德故見佛
儀以歌歎爲貴經中偈頌其式也但改梵爲
秦失其蔚藻雖得大意殊隔文體譬之嚼飯
與人非徒失味
覆令嘔熾耳

隋曾安

涇陽人通明三藏屢
以華嚴之力解厄言

△

來鄆縣返還在道行寺東去村五里田人告

曰程暉和死矣安至村厲聲大喚和遂動身

入庭又大喚之和

遂起尋復如故

唐圭峰定慧禪師

有圓覺經疏解行于世得法于荷澤適孫南

印道員和尚唐高僧甚衆如師不多見也嘗

作禪源譜論以破禪家之失中書平章政事

裴休撰其文曰圭峯禪師號宗密姓何氏累

州西充縣人釋迦如來三十九代法孫也釋

迦如來在世八十年爲無量人天聲聞菩薩

說五戒八戒大小乘戒四諦十二緣起六波

羅密四無量心三明六通三十七品十力四

無畏十八不共法世諦第一義諦無量諸解

脫三昧揔持門菩提涅槃常住法性莊嚴佛

土或就衆生度天人教菩薩一切妙道可謂

廣大周密廓法界於無疆徹性海於無際權

實六頓漸無遺事矣。取後獨以法眼付大迦葉。今祖祖相傳別行於世，非私於迦葉而外人天聲聞菩薩也。顧此法衆生之本源，諸佛之證超一切理，離一切相，不可以言語智識。無隱顯推求而得，但心心相印，印印相契。自證知光耀受用而已。自迦葉至達摩，凡十八世。達摩傳可，可傳璨，璨傳信，信傳忍。為五祖。又傳融，為牛頭宗。忍傳能，為六祖。又傳秀，為北宗。能傳會，為荷澤宗。荷澤於宗為七祖。又傳讓，讓傳馬，馬於其法為江西宗。荷澤傳磁，州如如傳荆南張，張傳遂州圓。又傳東京照，圓傳大師，大師於荷澤為五世。於達摩為十一世。於迦葉為三十八世。其法宗之系也。如此大師本豪家，少通儒書，欲干世以生靈偶謁遂州。遂州未與語，退遊徒中，見儼然若愚而無念，朗然若照而無覺，欣然

慕之遂削染受教道成乃謁荆南荆南曰傳
教人也當盛於帝都復謁東京照照曰菩薩
入世誰能識之後謁上都花巖觀觀曰毗盧
花巖能隨我遊者其汝乎初在蜀因齋次受
經得圓覺十三章深達義趣遂傳圓覺在漢
上因病僧付花巖句義未嘗聽受遂講花巖
自後乃著圓覺花巖及涅槃金剛起信唯識
孟蘭法界觀行願經等論并及法義類例禮
懺脩證圖傳纂略又集諸宗禪言爲禪藏摠
而叙之并酬答書偈議論等凡九十餘卷皆
本一心而貫諸法顯真體而融事理超群有
於對待冥物我而獨運矣議者以大師不守
禪行而廣講經論遊名邑大都以興建爲務
乃爲多聞之所役乎豈聲利之所未忘乎嘻
議者焉知大道之所趣哉夫一心者萬法之
樞也分而爲戒定慧開而爲六度散而爲萬

行萬行未嘗非一心一心未嘗違萬行禪者
六度之一耳何能惣諸法哉且如來以法眼
付迦葉不以法行故自心而證者爲法隨願
而起者爲行本必常同也然則一心者萬法
之所生而不屬於萬法得之者則於法自在
矣見之者則於教無礙矣本非法不可以法
說本非教不可以教傳豈可以軌跡而尋哉
自迦葉至富那奢凡十祖皆羅漢所度亦羅
漢馬鳴龍樹提婆天親始開摩訶衍著論釋
經摧滅外道爲菩薩唱首而尊者闍夜獨以
戒力爲威神尊者摩羅獨以苦行爲道跡其
他諸祖或廣行法教或專心禪寂或蟬蛻而
去或火化而滅或率樹以示終或受害而償
債是乃法必同而行不必同也且循轍跡者
非善行守規墨者非善巧不迅疾無以爲太
牛不超過無以爲大士故大師之爲道也以

知見爲妙門寂淨爲正味慈忍爲甲盾慧斷
爲劒矛破內魔之高壘陷外賊之堅陣鎮撫
邪雜解釋纏籠遇窮子則叱而使歸其家見
貧女則訶而使照其室窮子不歸貧女不富
吾師耻之三乘不興四分不振吾師耻之忠
孝不並化荷擔不勝任吾師耻之避名滯相
匿我增慢吾師耻之故違違於濟拔汲汲於
開誘不以一行自高不以一德自聳人有依
歸者不俟請則往矣有求益者不俟憤則啓
矣雖童幼不簡於敬接雖鷲狼不怠於叩勵
其以闡教度生助國家之化也如此故親大
師之法者貪則施暴則斂剛則隨戾則順昏
則開墮則奮自榮者慙自堅者化徇私者公
窮情者義凡士俗有捨其家與妻子同入其
法分寺而居者有變活業絕血食持戒法起
災爲近住者有出而脩政理以救疾苦爲道

者有退而奉父母以豐供養爲行者其餘
憧而來欣欣而去揚袂而至實腹而歸斯在
甚衆不可以紀真如來付囑之菩薩衆生不
請之良友其四依之人乎其十地之人乎
不識其境界庭宇之廣狹深淺多識者又焉
知大道之所趣哉大師以建中元年生於世
元和二年印心於圓和尚又受具於極律師
大和二年慶成節徵入內殿問法要賜紫方
袍爲大德尋請歸山會昌元年正月六日坐
滅於興善院儼然如生容貌益悅七日而
後遷於西其自證之力可知矣其月二十二
日道俗等奉全身于圭峯二月十三日茶毗
初得舍利數十粒明白潤大後門人泣而求
諸煨中必得而歸今悉斂而藏于石室其無
緣之慈可知矣偷歲六十二僧臘三十四遺
戒深明形質不可以久駐而真靈永劫以長

存乃知化者無常存者是我死後舉施云
焚其骨而散之勿勿塔勿悲慕以亂釋觀
每清明上山必進七日而後去其餘住持
法行皆有條則非我弟子今皇帝再闡
真宗追謚定慧禪師青蓮之塔則塔不可以
不建石不可以不斲且使其教自爲一宗而
學者有所授仰也門人達者甚衆皆明如來
知見而善說法要或巖穴而息念或都會而
傳教或斲臂以酬德或白衣以淪跡其餘一
體而悟道終身而守護者僧尼四衆數千百
人得其氏族道行可傳於後者紀於別傳休
與大師於法爲昆仲於義爲交友於思爲善
知識於教爲內外護故得詳而叙之他人則
不詳銘曰如來知見大事因緣祖祖相承燈
燈相燃分光並照顯說密傳摧邪破魔證聖
登賢漸之者人頌之者全孰紹孰興上峯在

馬甚大慈悲不捨周旋以引以翼恐迷恐直
直示心宗傍羅義笈廣收遠取無弃無捐金
湯魔城株机情田銷竭芟伐大道坦然功高
覺場會盛法筵不染而住淤泥青蓮性無去
來運有推遷順世而歎衆生可憐風號

夜川

而去溺者誰前巖岸荆棘阻

絕危懸輕錫而過暗者誰看不有極慈孰能

後先吾師何處復處禱船法指一靈徒餘三

千無負法恩

永以乳皇

師詩云絕整神床衣泉分落石層霧交高頂

草雲隱下方燈朝滿傾心客谿連學道僧半

句持一食此事有誰能又題青龍寺縱公房

云從誰得法印不離上方傳夕聲城霜下寒

房竹月圓烟

洲去時來於此禪又寄青龍寺原上人云歛

履人寒竹安禪過漏磬高杉殘子落深井凍
痕生罷磬風枝動懸燈雪屋明何當招我宿
乘月上

方行

按仙釋者皆非鄠產也第一瓢一衲何處非
家棲真掛錫隨地卽稱善之亦足備物外之
致矣豈以二
氏可盡忽哉

鄠縣志卷之九終

鄂縣志卷之十

雞肋集

古人云按書以求古事合者極少夫何以故
蓋柄筆者或採所聞不核實跡以訛相傳繁
風成真又且勝雜入傳反傷爾雅茲撮數段
付帙末必備一覽云 劉璞

傳疑

三過村 在縣北二十里按地輿志鄂古崇國也連山易云顓頊五代孫緜封于崇

史記鯀仕堯治水九年功用不成舜攝位殛鯀于羽山而舉其子禹以代禹痛父罔功克自勤勵八年間三過其門而不入今三過村舊傳為卽其處也村東

有禹王廟

畢原

長安志在咸寧縣西南二十八里按鄠縣王季所治畢地非高原也

晉侯村

左傳云秦獲晉侯卽懷公獲之于高梁者也會諸侯靈臺臺在鄠縣按晉居長安之東而鄠居其西則獲國君而置之西偏也亦慎防之意哉故今有晉侯村云

甘泉宮

在鄠縣西南二十里對甘泉谷本紀曰始皇諸廟及章臺上林皆在渭南

已而更名爲極廟道通鄠山作其泉
前殿甬道自咸陽屬之則其泉前後
必近上林卽鄠縣也則秦之其泉與
隋之其泉正同一地安知隋宮不襲
秦舊耶今世所傳三輔黃圖漢制特
詳最爲要書而其間有與正史不合
者其泉有三惟鄠之其則與湖縣俱
在渭南而鄠之與湖中隔都城不相
附綴則其誤曉然矣

九女塚

在縣西五里漢陂之陽諸史會編秦
二世用趙高之言謬死十二公子于
咸陽之市旣死十公主于杜縣塚今
落鄠漢陂其一塚水崩去鄠人相傳
爲九女塚今又崩
其一止餘八塚

子房庄

在紫閣峯北土人相傳為辟穀處也
 山巒之秀甲于秦中特誌傳無可攷
 耳典史張應升于子房庄佛殿之上
 塑留侯像登臨一望秦川如掌又登
 山門樓南眺群峯秀媚遠邇映拱蓋
 形似京師之西山而奇勝過之應升
 有詩刻云紫閣山前彩霧開遊人策
 馬獨徘徊赤松杳杳無消息閒看樵
 童摘草菜朱閣丹樓紫翠妍層巒
 隱隱水涓涓秦朝漢室成虛事惟有
 長川月自圓載攷陵墓志云漢中府
 洋縣西四十里有子房山是當時辟
 穀處名賢遺跡何處不借為重乎微
 使子房有靈吾知其不漢碑而紫閣

夫也

婁敬

齊人衣羊裘見高祖說與匈奴和親封侯有仙術常居好疇善種金今末壽縣有種金坪一統志載其墓在鄆縣今縣北有婁敬菴

陳兵坊

在縣南十里唐高祖舉晉陽平陽公主起兵應之陳兵于此故名

鑿齒村

在城北有道安寺按道安姓衛氏常山成柳人也資性穎異受師具戒恣其遊學師佛圖澄及石氏亂與弟子四百人渡河南既達襄陽復宣佛法時襄陽習鑿齒鋒辯天逸籠罩當時其先藉安高名及聞安至止即往修造稱言四海習鑿齒安曰彌天釋道安時人以爲名禪符堅伐晉得二人曰吾南伐得一人半蓋爲道安一人習鑿齒半人也後至秦建元二十一年

年卒土人相傳村西三里有道安墓

唐高祖太宗碑記

按草堂寺有碑云鄭州刺史李淵為男世民目患先

于此寺求佛蒙佛恩力其患得捐今為男敬造石碑像一鋪願此功德資益弟子男及合家大小福德具足末無災障弟子李淵一心供養大業二年正月八日建立又有太宗贊羅什法師詩一首刻石云秦朝朗現聖人星遠表吾師德至靈十萬流沙來振錫三千弟子其翻經文成金玉知無朽舌吐蘭若尚有馨堪歎逍遙園裡事空餘明月草青青詩雖佳然不似初唐詩睹大業碑記不為無因姑記之以俟好奇者采焉

殷國公舊園地

在澇峪之內
未詳其處

蘇旦園

未詳其處但據章惇題云率蘇君旦
安君師孟至終南謁蘇君軾因與蘇

遊觀五郡延至大秦仙遊旦師孟二
君留詠南回遂與二君過漢陂漁于

蘇君旦之園池晚宿草堂明日宿紫
閣惇獨至白閣廢寺還復宿草堂間

過高觀潭潭東石上且將宿百塔登
南五臺與太一假道華嚴遊長安別

二君而惇獨東也甲辰正月二十三
日京兆章惇題

曲抱村

在漢陂南五里許取杜甫詩清江一
曲抱村流之句故名疑公遊漢陂時

所居者然鄠有此村而府城南曲江
側亦有此村以漢陂考之或在鄠者

較是

李伯智村

縣北七里許有李伯村順治十一
年土人掘得唐惠叅軍夫人墓誌

云鄂縣長樂
鄉李伯智村

穿城引澧

漢王商引入長安城但澧下流入
渭也再詳之

紀異

櫃熊殺僧

唐寧王天寶中嘗獵于鄂搜林麓
見茂草中一櫃高鎖甚固發視之

乃一少女也問之言姓莫氏叔僧座
是遇賊賊中二僧劫我至此王命載
之後乘時適獲一生熊遂置櫃中
之如故而去越二日二僧以櫃昇之

鄂逆旅舍中夜久膈膊有聲翌日日出主人怪僧不起撤戶視之一熊衝人而立二僧者骸骨露焉上知之大笑莫氏表入宮爲才人能爲秦聲當時號莫才人轉焉

擊佛除惑

靈山寺有石佛歲傳其首放光遠近男女聚觀不止主簿程顯戒寺

僧曰俟復見必自吾職事不能往當取其首觀之自是不復有光璞嘗遊寺見佛半首猶在像側則當時真取之矣

南山大梓

秦文公時雍南山有大梓公伐之輒大風雨樹生斷不合一人病往

山中聞鬼語樹神曰秦使人披髮以朱絲繞樹伐汝得不困公聞言伐樹

斷中有一青牛出走入豐水中其後
牛出豐水使騎擊之不勝騎墮地復
上髮解牛畏之入
不出故置髦頭

秦渡仙

柳在四真觀宋冲陽王真人演教之
所馬譚丘劉自山東來受業于重

陽分志插柳各自為蹤遂名四師堂
春夏之交仙柳爭榮綠陰茂密更宋
元柳枯入國朝洪武初勅賜應夢真
人孫碧雲遊覽終南大華經歷于此
仙柳枯而復榮乃
復立觀亦一異也

淨土樹

觀臺之南有羅什寺寺之後有樹二
株命曰淨土乃西域鳩摩羅什憇此

屢土所生者三月花八月實中皆黃
土異哉

馮本凝曰邑南淨土木自姚秦來生而朽朽而復生者蓋七易其身矣余謂佛理亦猶是耳若聖賢之道歷萬古不朽聖檜賢楮是也即今明道先生雙槐亦六百餘年于茲故淨土木可異雙槐尤可異也

高冠潭龍

高冠潭有潭水南流而下迅駛駭人潭水潭內有神龍天旱禱

雨投猪狗血中龍必奮起成雹卒不可避云宋京嘗奉詔祠此有碑

舊壘

明弘治十三年陝西都御史熊翀等遣人獻玉瓦云鄠縣民毛志學等

於趙倫村流河水濱所得其文曰受命於天既壽永昌玉色純白微青皆

有螭紐周廣一尺四寸厚二寸翀等以爲此秦壘復出也事下禮部尚書

傳瀚等覆自有秦璽以來歷代得喪存毀真贗之跡且載史籍今所進璽其篆刻之文既與輟耕錄等書模載魚鳥篆文不同其螭紐又與史傳等書所記文盤五龍螭缺一角及旁刻魏隸者不類且又與宋元所得之璽色各不同蓋秦之僭璽更歷變故亡毀已久今陝西所進與昔宋元所得疑皆後世模倣秦璽而刻之者今此璽出於陝西乃遂以爲天錫聖符交獻諭悅蓋不自知其非耳宜姑藏之內府以備展玩以彰聖德以正人心臣等不勝至願上從之仍命薄賞志學等白銀五兩

定官石

隋唐間星隕於鄆縣人家園中化爲巨石後移府城九耀街唐時舉人就

試以鐵釘釘之驗其中否後復置藩
署以卜官曰官清者釘入之又曰官
大者釘人之否則弗入因號定官督
學陳公有頌載碑記

如璉曰誕怪之事聖賢不道以其理不足信
也然天地之大生物不測理之所無安知非
事之所有物怪人妖亦往往觀之姑志之以
備好奇者一覽云

鄆縣志卷之十終

